

ОММАВИЙ-МАДАНИЙ ТАДБИРЛАРНИ ТАШКИЛ ҚИЛИШНИНГ ИННОВАЦИОН ОМИЛЛАРИ

Нажметдинова Мавлуда Мамасодиковна
Фарғона давлат университети Мусиқа таълими
ва маданият кафедраси катта ўқитувчиси
Imronka@mail.ru

АННОТАЦИЯ

Мазкур мақолада оммавий-маданий тадбирлар тушунчаси ва уни ташкил қилишининг инновацион омиллари ҳамда жамиятнинг маънавий янгиланиши жараёнидаги аҳамияти фалсафий нуқтаи назардан таҳлил қилинади.

Калим сўзлар: оммавий-маданий тадбирлар, инновация, маънавият, мусиқа, халқ сайиллари, сўз санъати, янгиланиши, юксалиш, ватанпарварлик, маънавий-маданий байрамлар.

АННОТАЦИЯ

В данной статье анализируется понятие культурно-массового мероприятия и инновационные факторы его организации, а также его значение в процессе духовного обновления общества с философской точки зрения.

Ключевые слова: культурно-массовые мероприятия, инновация, духовность, музыка, народные песни, искусство речи, обновление, развития, патриотизм, духовно-культурные праздники.

ABSTRACT

This article analyzes the concept of a cultural event and the innovative factors of its organization, as well as its significance in the process of spiritual renewal of society from a philosophical point of view.

Keywords: cultural events, innovation, spirituality, music, folk songs, art of speech, renewal, development, patriotism, spiritual and cultural holidays.

КИРИШ

Оммавий-маданий тадбирлар шахснинг инновацион имкониятларини эркин намоён қилишда сезиларли даражада муҳим роль ўйнайди. Мазкур байрамлар, ўзининг умумий тузилиши ва ижодий ўзгарувчанлик хусусиятига асосланган ҳолда шахснинг ижодий маънавий имкониятларини жамулжам қилиб тўплаш имкониятини берадиган маданий дам олиш тадбирлариdir.

Байрам – халқнинг шодлик ва хурсандчилик кунидир, - деган эди Шарқнинг буюк олими Маҳмуд Қошғарий. Ҳақиқатан ҳам байрамлар туфайли

шодиёналар, тантанали воқеалар, муҳим саналар, улкан ютуқлар нишонланади[1,3]. Байрам – бу маълум вақтдаги идеал ҳаётдир[2,172]. Шунингдек, оммавий-маданий байрам тадбирларининг бадиий мазмуни ва талқиний даражаси шу даражада юксакки, оммавий халқ байрамларини ташкил қиласиган масъуллар зиммасига катта вазифалар юкланди. Демак, оммавий-маданий байрамлар шахснинг ижтимоий маданий имкониятларини тўла намоён қилиши учун зарур шарт-шароитлар яратади. Шунингдек, мазкур дам олиш оммавий байрам тадбирларидан самарали фойдаланиш шахс ва жамият маънавий соғломлигининг инновацион омили ҳисобланади.

МУҲОКАМА ВА НАТИЖАЛАР

Оммавий-маданий байрам тадбирлар – 100 ва ундан ортиқ кишилар иштирокида ўтказиладиган ижтимоий-сиёсий (анжуманлар, конференциялар, съездлар ва бошқалар), маънавий-маданий (мусикий, адабий ва бошда фестиваллар, концерт, театр, спорт, реклама тадбирлари, халқ сайиллари, цирк, миллий намойишлар ва ўйинлар, қўрик-танловлар ва бошқалар), шунингдек, халқаро, умумхалқ диний ва касб байрамларини ўтказиш максадида ташкил қилинадиган йиғинлардир.

Оммавий-маданий тадбирларнинг инновацион омиллари бўлган ахлоқий-тарбиявий томонларига алоҳида эътибор бериш лозим. Чунки ҳар бир оммавий-маданий инновацион байрам тадбирлари одамлар ўртасида меҳр-оқибат, иззат-хурмат, қадр-қиммат, мурувват каби инсоний фазилатларнинг равнақ топишида хизмат қиласиди. Мазкур байрамлар аждодларимизнинг энг яхши фазилатлари, фикрлари, тажрибалари, ютуқлари, қадриятларини мужассамлаштиргани учун жамиятимизни ахлоқий соғломлаштирувчи, инсонпарварликни барқарор этувчи ва аҳолининг маънавий камол топишига хизмат қиласиган муҳим инновацион омил сифатида намоён бўлади. Шунингдек, оммавий-маданий байрамлар одамлар орасида одоб-ахлоқ, имон-эътиқод, инсонпарварлик, меҳр-мурувват, саховат, одиллик, ҳалоллик, биродарлик, меҳмондўстлик каби хислатларни равнақ топтиришда муҳим омил ҳисобланади[1,15].

Оммавий-маданий тадбирлар драматургиясининг олий мақсади – янги Ўзбекистонда янги дунёқарашни шакллантириш, бой маданий тарихимизга юксак ҳурмат кўрсатиш, ватанпарварлик, диний бағрикенглик, тинчлик ва миллатлараро тутувлик тамойилларини ёритиш, кейинги даврида эришилган ютуқларни тарғиб этиш, таълим тизимидағи ислохотлар ва уларнинг самараси, шунингдек, тадбир аҳамиятини соғлом турмуш тарзи, спорт ва жисмоний тарбиянинг шахс камолотидаги ролини оширишга қаратилади. Шу билан бирга

оммавий-маданий тадбирлар томошабинлари тадбир давомида одоб-ахлок (кийиниш, муомала маданияти) ва жамоат жойларида ўзини тутиш қоидаларига қатъий риоя этишлари талаб этилади.

Оммавий-маданий тадбирларга алоқадор муассасалар фаолиятида ёшларнинг катта қисми билан узвий боғлиқ ҳолда ишлаш имкониятлари мавжуд. Демак, ушбу муассасалар фаолияти ёшлар онги ва қалбига кириб боришининг асосий масканларидан биридир. Бу масканлар имкониятларидан миллий мафкура ғояларини тарғиб этишда самарали фойдаланиш мақсадга мувофиқ. Бунинг учун ушбу муассасалар иш режалари бўйича ўтказиладиган оммавий-маданий тадбирлар миллий ғоялар билан суғорилган бўлиши керак. Ёшлар қалбига таъсир этадиган, ҳеч кимни бефарқ қолдирмайдиган юрт ва халқ ҳаётига оид воқеа-ҳодисалар негизида маҳсус сценарийлар тайёрлаш лозим. Ўтказиладиган тадбирлар юртдошларимизда ўз юртига меҳр, миллати ва халқи манфаатлари учун фидоийлик, фаровон турмуш ва порлоқ истиқбол ўрнатиш борасида аниқ-равshan, мустақил фикрлаш каби сифатларни шакллантиришга қаратилган бўлиши лозим. Ижтимоий ҳаётдаги инновациялар таъсирида жавоб бермай қолган анъана ва байрамлар аста-секин унитила бошлайди. Моҳиятан халқчил, ижтимоий салмоққа эга бўлган анъаналар тарақкий этади. Масалан, 21- март – Наврӯз, 1- сентябр – Мустақиллик куни байрамлари, 14-январ – Ватан ҳимоячилари, 1- октябр – Ўқитувчилар куни, 9 - май – Ғалаба ва қадрлаш куни каби муҳим саналарга бағишлиган оммавий-маданий тадбирлар шулар жумласидандир. Ҳар бир инновацион оммавий-маданий байрам тадбирлари тарбиявий таъсир кучи мазкур тадбирнинг мазмунини очишга хизмат қилувчи урф-одатлар, расм-русумлар билан мустаҳкамланади.

Оммавий-маданий байрам тадбирлар ижтимоий ҳаёт кўзгуси сифатида ҳар бир ҳалқнинг инновацион ютуқларни кенг намойиш қиласи. Байрамлар ижтимоий-сиёсий ва маданий аҳамияти шу билан белгиланади, у муҳим анъаналарни қўллаб-қувватлаш асосида инсоният маданияти ютуқларини мустаҳкамлайди. Жойларда инновацион оммавий-маданий тадбирлар самарадорлигини амалга ошириш, кўп миллатли халқимиз ўртасида ҳамжиҳатликни янада мустаҳкамлаш, миллий қадрият, урф-одатларни кенг тарғиб қилиш, бадиий ижод ва китобхонлик маданиятини фаол қўллаб-қувватлаш мақсадида “Янги Ўзбекистонда – янгича дунёқараш” шиори остида кенг кўламли тарғибот ишлари олиб борилмоқда[3,334-335].

Амалга оширилаётган тарғибот ишлари ёшлар эстетик дунёқарашини юксалтиришда муҳим аҳамият касб этиши керак. Чунки, эстетик дунёқарашни

юксалтириш орқали ёшлар миллий ғуур, миллий туйғу, миллий қадриятлар, миллий ўзликни англаш каби инсоний фазилатларга эга бўладилар. Демак, инновацион оммавий-маданий байрам тадбирлари билан шугилланадиган муассасалар миллий анъаналаримизга ёт бўлган, ижтимоий турмушдаги қолок, реакцион иллатларни тарғиб этиш, миллий манфаатларимизга зид бўлган қадриятларни намоён этиш каби иллатлардан батамом қутилиб, аксинча, миллий урф-одатларимиз, маданий ўзига хослигимиздан иборат қадриятларимизни, асрлар давомида замонлар синовидан ўтган мумтоз меросимизни, Ватан, юрт, миллат, халқ ва унинг порлов келажаги манфаатларини улуғловчи қадриятларни тарғиб этишни ўзларининг асосий мақсади қилиб олишлари керак[4,28-29]. Ана шу талаблардан келиб чиққан ҳолда янги Ўзбекистонда инновацион оммавий-маданий тадбирларни ташкил жараёнида тегишли муассасаларда бир қатор янгиликлар вужудга келмоқда. Жумладан, оммавий-маданий ва концерт-томуша байрам тадбирларини ташкил этиш ва ўтказиш ҳамда уларда қатнашишнинг яхлит тизимини шакллантириш, оммавий-маданий ва концерт-томуша тадбирлар йўл ҳариталарини шакллантириш масалалари амалга оширилмоқда.

ХУЛОСА

Оммавий-маданий байрам тадбирлар жамият ҳаётининг бир қисми сифатида олдиндан белгиланган, муайян кунда нишонланади. Байрамлар моҳияти улар мазмуни ва ғоясига боғлиқ бўлади. Ўтказиладиган оммавий-маданий байрам тадбирлар асосини уларнинг ғоялари, яъни халқнинг ўйи, дарди, орзу-умидлари каби тушунчалар ташкил этади. Шунингдек, ўтказиладиган байрам тадбирларида мусиқий асарларга алоҳида эътибор қаратилиши лозим. Чунки, танланган мусиқий асарлар ташкил қилинадиган инновацион оммавий-маданий байрам тадбирларининг асл моҳиятини очиб беради.

REFERENCES

1. Қорабоев У. Ўзбек халқи байрамлари. –Т.: Шарқ нашриёт – матбаа акциядорлик компанияси бош таҳририяти. 2002. –Б. 3,15
2. Мазаев А.И. Праздник как социально-художественное явление. –М.: Наука. 1978. С. 172
3. Янги Ўзбекистоннинг истеъодли ёшлари. –Т.: Таълим нашриёти. 2021. Ўзбекистон ёшлари – учинчи ренессанснинг асосий драйвери. Илмий ишлар тўплами. З-китоб. –Б. 334-335

4. Ҳозирги даврнинг долзарб ижтимоий, иқтисодий, маънавий-маърифий жараёнларини ўрганишга оид саволларга қисқача жавоблар. Фарғона политехника институти. –Фарғона.: 2003. –Б. 28-29
5. Axadjonovich, Q. A., & Mamasodiqovna, N. M. (2021, May). MARGILAN LARGE ASHULA SCHOOL. In *E-Conference Globe* (pp. 292-298).
6. Mannopov, S., Karimov, A., Qurbonova, B., & Dilobar, J. (2022, February). THE EMERGENCE AND DEVELOPMENT OF MUSIC. In *Archive of Conferences* (pp. 49-52).
7. Kirgizov, I., Kirgizov, I., Najmetdinova, M., & Atabayeva, S. (2022, February). THE GENESIS OF THE DEVELOPMENT OF MUSIC CULTURE. In *Archive of Conferences* (pp. 57-60).
8. Nasritdinova, M., Nigora, M., & Murodova, D. (2022, February). UZBEK FOLK ART AND ITS PLACE IN PUBLIC LIFE. In *Archive of Conferences* (pp. 44-48).
9. Mirzahamdamovna, K. B., Erkinovna, A. N., & Jumadillaevich, S. R. (2021). Use of Innovative Educational Technologies in Fine ARTS Classes of Higher Education Institutions. *European Journal of Humanities and Educational Advancements*, 2(4), 25-27.
10. Mannopov, S., Karimov, A., Ataboeva, S., Ergashev, A., & Usmanova, S. (2021). Development Of Symphonic Music in Uzbekistan. *Journal of Pedagogical Inventions and Practices*, 2(2), 53-56.
11. Маннолов, С. (2019). Шарқ маданияти ривожида ўзбек халқ мусиқа меросининг тутган ўрни. *Oriental Art and Culture*, (IV (1)), 29-36.
12. Камбаров, А. А., & Нажметдинова, М. М. (2019). НЕКОТОРЫЕ ОСОБЕННОСТИ РЕЛИГИОЗНЫХ ЦЕННОСТЕЙ В ФОРМИРОВАНИИ ЗДОРОВОГО ОБРАЗА ЖИЗНИ МОЛОДЕЖИ. In *Условия социально-экономического развития общества: история и современность* (pp. 148-151).
13. Нажметдинова, М. М. (2022). ОММАВИЙ-МАДАНИЙ ТАДБИРЛАРНИНГ ЎЗИГА ХОС ХУСУСИЯТЛАРИ. *Science and innovation*, 1(1), 892-903.
14. Нажметдинова, М. (2022). Оммавий-маданий тадбирларнинг назарий асослари. *Общество и инновации*, 3(3/S), 473-479.
15. Najmetdinova, M., & Odinahon, S. (2021, October). HISTORY OF TRADITIONAL PERFORMING ARTS. In *Archive of Conferences* (pp. 89-91).